

道州台衣集

長臺里柴 望秋堂

塞下行贈韋士穎歸鄂渚上江陵謁閩相

夫連帷幄籌草軍前檄毋但曰白面書生之

末學也馬上撲鞭隨軍樂後誦弔古戰場文

使驚濤亂石相傾駭愕者此重食武昌魚後

會公案

長安二月春正濃長江二月風正急城頭楊柳雪絮飛
道傍粘雨沈潦濕邯鄲誰家俠少年上馬意氣揮金鞭

下馬掃筆大如椽興來一石未能醉劇飲數斗口流涎
玉山跌倒扶未起金鞭留當酒家裏隔樓彷彿畫眉人
相邀夜宿鴛鴦被睡魔不醒五更鐘笛聲吹斷相思淚
嚶嚶鳴雞將渡關欲去未去踟躕問道逢項莊把劍舞
樓上美人歌玉環劃然掣電蛟龍怒便指南樓問歸路
二千三百里更長爾僕衣糧我青衫著破不堪典
典到青衫共誰語世上豈無虬髯漢散財結客千千萬
豈無燕昭萬黃金築作高臺禮環珎秦坑漢罵不宥收
自是一番遭薄賤唐人科舉更糊名天下英雄消阻盡

宿湖外

懶入城中去來維柳下舟空江明月上殘雨夕陽收好
景多歸夜他鄉易得秋倚梧吟不盡樽酒更登樓

山居

老來無一事僮與鶴相隨繞屋疎疎竹編牆短短籬起
來花換影知去睡多時莫厭山居寂山人祇自宜

詔許出獄呈京尹節齋趙公

臣子狂愚獻直言聖明寬大度如天子封應詔皆焚藁
一片憂時祇似絃數象逢丁陽九厄元龜為鑑後十年

今朝有旨從天下知 長沙列席前

靈芝寺別祖席諸友

落日寒城暮雨餘滿斟離酒意如何見妻還指張儀古
痛國誰憐賈誼書羸馬病僮旋雇債寺禽山獠亦款啟
長安可是深居處更向深山深處居

富陽道中

幾年只向長安去今日囊書被旨回馬首獨行秋葉路
鱸魚時共菊花杯黃昏鐘動鴈初下夜半月明潮正來
我自不歸歸便得故園早晚早梅開

生兒不學去封侯錐毛弄充成霜鬢世無荆軻樊於期
只今誰復是男兒我聞兵凶戰危事愁殺天上蚩尤旗

人心存

平易思

中原塊土爭驅漢蔡城未下

未誅

機來一不容開三邊未即妖稔清天河何時能洗兵

送君不作斷腸客三尺一騎君西征臨岐酌酒再三語

今日君王自神武此行投筆事班超不必區區問兒女
上流夜夜雨如箭下流砲火驚淮甸襄師重屯郢州北

師未解長江面勸君莫賦橫槊詩樓頭正要籌邊莫
軍前一著天下奇夜斬樓蘭無人知露布直到天子墀

六宮歡動龍顏怡惟清象武獻太廟未央前殿稱玉卮
寡旗斬將不足道運籌帷幄果謂誰曰何功第一參次
之噫吁嘻帝命我公歸衮衣

吳樵溪山居

老子無家計蕭然屋數間頭邊惟白髮眼底是青山
碁急鳥聲散琴低鶴睡閒片雲長似伴朝去暮飛還

金臺泊舟

欲謀歸去計歸去更匆匆王化何時北江流日夜東
片帆山共水竟夕雨和風時事只如此相催成老翁

和周居易見寄韻

十年為客上長安人指冰山不會寒開口盡言投老易
到頭只是掛冠難低樓屋宇居常穩巧小園池坐儘寬
別有前溪魚可釣也須栽竹傍欄干

錢塘

不記錢王建國年尚遺强弩射潮痕地迴王氣歸吳分
山挾潮聲出海門南渡幾年猶昨日西湖踈影自黃昏
客來獨凭欄干處時聽漁歌過遠村

越王勾踐墓

秦望山頭自夕陽傷心誰復賦淒涼今人不見亡吳事
故墓猶傳霸越御雨打亂花迷復道鳥翻黃葉下宮墻
登臨莫向高臺望烟樹中原正渺茫

送馬太初之越

一去山陰一冉溪如何還只恁分携雨無聊賴人無寐
水又潺湲鳥又啼明日不知君上馬中宵誰與共聞鷄
去時應有蘭亭句為我臨池授筆題

戒珠寺右軍宅

蒼樹寒烟雨渺茫後來誰此吊興亡晉朝風物今流水

蕭樹鐘聲幾夕陽話燕梁空春雨急愛鵝人去暮山長
學書弟子知何在風過池塘墨尚香

和王景陽越中寄別韻

故人書只問平安分已還山豈願官猿鶴不驚松迳夢
貂蟬難換竹皮冠長安葉落秋深見故國斜陽雨後看
莫道剡中吟不盡不成吟處亦停鞍

金山寺

荻花蘆葉正珊珊山在長江寺在山門迳但從船出入
僧房多住水中間江空落日斜猶照夜半秋潮出復還

吟興未闌天欲曙一行斜雁起蒼灣

鳳凰臺

灑盡梧桐酒一杯興亡前事獨徘徊
烏衣冉冉斜陽下白鷺茫茫江水來
鳳去不知經幾載客來惟只見高臺
閒于登眺成孤嘯五百年間王氣回

石頭城和王寧翁韻

懷鄉弔古易傷心絕頂危亭共客臨
朝市亂經兵火後山川轉覺樹雲深
百年歌舞空臺沼六代豪華漫陸沉
惟有亂鴉啼去晚夕陽無限暮城陰

多景樓

早被垂楊繫去舟五更潮落大江頭
關河北望幾千里淮海南來第一樓
昔日最多風景處今人徧動黍離愁
烟沙瀕洞翻蘋末欲倚西風問仲謀

山陰蘭亭

寂寂山陰事已塵至今亭址尚嶙峋
落花時節朝朝雨挿柳人家處處春
曲水自流寒夕酒茂林無復永和人
昭陵繭紙今何在空有梅花點翠珉

別故人

便未成名也自歸不應猿鶴更猜疑冷看世事頻移局
懶與仙人共奕棋南渡只今惟有酒西臨興別是誰詩
行藏正要知時節却是時人未得知

送葉若磯之金陵謁信菴

一片斜陽落渡頭青 烏帽獨登樓江流建業三千里
山色淮南數百州都督正開羊祜府誰人得上李膺舟
此行不為揚州鶴一字 堪萬戶侯

呈中書樞直程滄洲

玉旨傳宣夜直扉制麻侵曉進呈歸三槐龍影連青瑣

千柳鶯聲度紫微袖惹爐香飄霧靄硯傳盤露映旌旂
承恩更賜金蓮炬猶勝青光太乙藜

富春嚴子陵祠

桑田何處海漫漫耕壟傳聞建武間真主不緣符白水
先生安可飯青山至今青草遺寒燒此日秋江起暮鷗
萬里崎嶇祠下路不知行役幾人閑

歸來

歸計年來付酒杯任他猿鶴自相猜東家種竹西鄰看
前日移花昨夜開鐘送夕陽歸草木風吹涼月上樓臺

老來懶聽他家曲，惟看柴門長綠苔。

越山

吳越山分兩岸青，帆影是西興。江花亂落如紅雨，雲樹高低似畫屏。錢氏古鄉迷輦道，越王芳草上諸陵。已知太乙臨吳分，曉看祥烏夜看星。

寄徐編校

近傳丹詔下丹墀，夜鶴寒猿也自疑。江上晚風終是急，山中白日最相宜。潮生潮滅鷗先見，花落花開蝶未知。懷玉山人如問我，爛柯山下看圍碁。

重到都門微軀體

兩年不作京華夢，重到湖山事已非。柳外晚風寒夕節，花間天氣雨晴時。欄干獨凭鶯飛去，簾幙低垂燕未歸。欲託焦桐理心事，滿庭芳草又斜暉。

金陵秋赴別江壽翁

憶向西風折翅歸，每忻黃菊滿疎籬。十書詣闕無知己，千里離家有路歧。歲月易驚孤客夢，文章難比少年時。荻花蘆葉休淒怨，自有新開竇桂枝。

奇氣樓

此齋全占崧高勝更盡樓前第一奇
芳草碧連天水處
數峯青
新暮烟時山川不逐陰晴換
宇宙閒看歲月移
琴已懶
彈書懶讀一簾花影詠春遲

高齋晚望

總是青山硬
下隣世情那得較
紛紛霧連遠
岫分為雨
烟起人家去
作雲柳色晴
光扶檻入鶯聲
人語隔窓聞
高齋獨捲重簾坐
花落棊床日未曛

西湖

年年柳眼青
歸處門外遊人可自閒
天氣又晴晴又雨

樓臺依寺寺依山
酒邊歌拍穿花外
船上簫聲落水間
光景留連空自惜
鷓鴣啼罷暮城闌

客中夜雨

離情先怯向邊州
寒葉敲窓更報秋
幾點攪殘千里夢
一聲滴作兩鄉愁
苦綠楊柳沾離席
偶傍梧桐澗小樓
惟有孤燈照明滅
夜深無語攬重裘

江心寺

寺北金焦徹夜開
一山恰似山蓬萊
塔分兩岸波中影
潮長三門石上苔
遺老為言前日事
上皇曾渡此江來

中流滾滾英雄淚，輸與高僧入定回。

重題黃鶴樓

自從崔顥題詩後，更有何人弔禰衡。
芳草不知鸚鵡恨，晴天惟見藻陽城。
樓頭月落酒方醒，岸口風高雁正鳴。
五百年前黃鶴去，閒尋鷗鷺結詩盟。

送朱南山開蜀閬

殿上傳宣內引官，一封歷歷奏忠肝。
八千里路先聲至，百萬都人夾道觀。
節度晉公新授鉞，淮陰韓信舊登壇。
擎天正要中流柱，莫擬人間蜀道難。

別永嘉使君趙致軒

一番出處計何如，流泊中川不為魚。
落日淒涼秋老矣，西風浩蕩客歸歟。
吟成白髮逢知己，費盡黃金買古書。
明發灞橋橋上路，藉君帆力更吹嘘。

蘄州別友

客中途客上夷陵，輾轉淒涼睡不成。
無酒送君之遠道，有誰吹角向江城。
白髮亂生人漸老，青燈相對雨無情。
詰朝共發蘄州岸，知到江山更幾程。

送監丞弟元亨叅江陵閬

北虜終聞郭子儀上江決有退師期諸公但醜臨江酒
老子祇園別墅棋露布夜傳誅難蠟九使遊破符離
書生已辦平淮表先寄鶴鴒原上詩

即事

瀕洞風塵莽未明天翻地覆劫將盈翠華海上知何似
白首山中空自驚笑向鶯花非世界夢迷弓劍繞皇陵
誰知薇蕨同盃酒為酌興亡終古靈

和通判弟隨身書感韻

風沙萬里夢堪驚地老天荒只此情世上但知王蠹義

人間惟有伯夷清堂前舊燕歸何地花外啼鶻月幾更
莫話淒涼當日事劍歌淚盡血霑纒

中秋待月用弟祭推元彪韻

待月南樓月不明百年虛負此宵情浮陰亂向空中起
負影徧從寒外清江國瀟瀟淒淒露氣山城處處動笳聲
何人獨把琵琶坐淚滴水絳暗恨生

夢傳說

傳說為霖 中高宗一念與天通後來亦有君王夢
不是陽臺使月宮

西施

十二金釵對對鋪三千粉黛膩如酥
君王莫道六宮醜一箇西施已壞吳

范蠡

五月菰蒲八月秋年年酒酒醉江頭
伍胥忿怒三閭怨爭似鴝夷一釣舟

長城

漠漠沙場萬里遙千夫一日起臨洮
若無道德為干櫓更是秦人築更高

沛中歌

秦時日月漢山河家計今誰與仲多
天子不知天下貴酒中惟唱沛中歌

雲夢

紀生尚可稱皇帝韓信何妨作
今日偽遊真是偽只因一躡誤高皇

長生

武皇何事駕虛空金闕求仙路未通
王母不來方士去茂陵可是廣寒宮

蘇武

十九年間不辱君論功何獨後諸臣若教倒數凌烟像
也是當時第一人

子陵臺

曾與劉郎共起居何如不肖受除書最憐人笑先生錯
正好為官却釣魚

昭陽殿

湏水流來灑火已白頭宮女恨昭陽至今人見飛來燕
猶為君王暗斷腸

淝水

想見西風對壘時日中先已料安危淮淝百萬兵雖眾
未抵東山一局棋

除夕對梅

青春無復駐年華幾度江頭暗憶家惆悵新愁添白髮
髻邊如雪映寒花

上忠齋丞相四首

世事驚人一葉舟長歌短棹發中流今朝正得東風便
綠是西風便轉頭

爛柯山下採樵民
盡日觀碁局
局新黑白兩般都著過
後來一着要高人

江南江北路迢迢
往事東風恨未消
昨夜杜鵑啼不了
始知春在洛陽橋

九陌紅塵撲帽紗
囊書幾度進官家
近來不甚知時事
只是栽桑不種花